

SKUPŠTINA KANTONA SARAJEVO

**ZAPISNIK SA
17. RADNE SJEDNICE SKUPŠTINE KANTONA SARAJEVO,
ODRŽANE 28.06.2016. GODINE SA POČETKOM RADA U 10,00 SATI**

Sarajevo, JUNI 2016.

Sjednici su prisustvovali poslanici/zastupnici:

STRANKA DEMOKRATSKE AKCIJE

- a) Ademović Kemal
- b) Čelik Mirza
- c) Čomor Eldar
- d) Delalić Sabahudin
- e) Dovadžija Amar
- f) Kozadra Muhamed
- g) Mašović Amor
- h) Okerić Elmedin
- i) Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Kerla Bibija
4. Mehmedagić Mersiha
5. Pindžo Mirsad

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Filipović Selma
3. Lakota Rasim
4. Marić Zvonko
5. Rađo Dževad

SOCIJALDEMOKRATSKA PARTIJA BOSNE I HERCEGOVINE

1. Slaviša Šućur

NAŠA STRANKA

1. Čudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Pleho Haris
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel
4. Pecikoza Fahrudin

TOK SJEDNICE

17. Radnu sjednicu Skupštine Kantona Sarajevo otvorila je predsjedateljica Ana Babić dana 28. juna 2016.godine u 10,00 sati.

Prema evidenciji Službe sjednici je na otvaranju prisustvovalo 27 zastupnika, što je dovoljan broj za punovažan rad i odlučivanje, a svoj izostanak pravdali su zastupnici: Sejo Bukva, Segmedina Srna Bajramović, Mario Vukasović, Izudin Bajrović i Safet Mešanović, dok su kašnjenje najavili zastupnici: Čomor Eldar i Okerić Elvedin.

Premijer Vlade Kantona Sarajevo Elmedin Konaković se obratio prisutnima i obavijestio ih da Vlada povlači izvještaje iz oblasti privrede s ciljem davanja dovoljno vremena zastupnicima da iste analiziraju.

UTVRĐIVANJE DNEVNOG REDA

Prijedlog dnevnog reda 17. radne sjednice skupštine Kantona Sarajevo utvrdio je Kolegij koji je održan dana 13.06.2016. godine.

Na osnovu člana 73. Poslovnika Skupštine Kantona Kolegij je prihvatio sljedeći dnevni red za 17. Radnu sjednicu sa dopunom sljedeće tačke su:

1. Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta energetska efikasnost za BiH; (Razmatraće se kao tačka 9.)
2. Prijedlog odluke o usvajanju Programa uređenja građevinskog zemljišta i realizacije kapitalnih investicija za 2016.godinu; (Razmatraće se kao tačka 10.)
3. Prijedlog odluke o davanju saglasnosti za osnivanje privatne srednje škole naziva: Srednja škola za informacione tehnologije i savremena gimnazija, Sarajevo, Zmaja od Bosne bb; (Razmatraće se kao tačka 11.)
4. Prijedlog odluke o davanju saglasnosti za osnivanje Visoke škole za računarske i informacione tehnologije; (Razmatraće se kao tačka 12.)
5. Prijedlog odluke o davanju imena trgu na području Općine Centar, na lokalitetu MZ „Trg oslobođenja-Centar”; (Razmatraće se kao tačka 13.)
6. Prijedlog odluke o davanju naziva novoizgrađenoj ulici, na lokalitetu „Skenderija-Podtekija” na području Općine Centar – MZ "Skenderija-Podtekija”; (Razmatraće se kao tačka 14.)
7. Prijedlog odluke o izmjeni naziva dijela ulice, odnosno preimenovanju dijela ulice na području Općine Vogošća - MZ „Vogošća I“ ; (Razmatraće se kao tačka 15.)
8. Izvještaj iz oblasti sporta za 2015. godinu; (Razmatraće se kao tačka 19.)
9. Izvještaj o radu sa finansijskim izvještajem JU „Studentski centar“ Sarajevo za 2014. i 2015. godinu.(razmatraće se kao tačka 20.)

Zastupnik Kemal Ademović se javio kao Predlagač Izmjena i dopuna Zakona o imovini Kantona Sarajevo da obrazloži hitnu potrebu za donošenje istog.

Predsjedateljica je pozvala zastupnike da se u okviru prethodnog postupka izjasne da li će se Prijedlog zakona o dopuni Zakona o imovini razmatrati po hitnom postupku.

Zastupnici su većinom glasova (23 „ZA“) podržali Prijedlog da se Zakon o dopuni Zakona o imovini Kantona Sarajevo razmatra po hitnom postupku.

SKUPŠTINA JE ZA 17. RADNU SJEDNICU SKUPŠTINE KANTONA SARAJEVO JEDNOGLASNO (26 „ZA“) USVOJILA SLJEDEĆI DNEVNI RED:

1. Poslanička/zastupnička pitanja, inicijative i odgovori;
2. Prijedlog zakona o dopuni Zakona o imovini Kantona Sarajevko-hitni postupak;
3. Prijedlog odluke o izmjenama i dopunama Odluke o uređivanju javnog prijevoza lica zaprežnim vozilima – fijakerima;
4. Prijedlog odluke o dopuni Odluke o imenovanju članova Vijeća nacionalnih manjina Kantona Sarajevo;
5. Prijedlog odluke o davanju saglasnosti na Program rada i finansijski plan za 2016. godinu Javne ustanove:
 - a) Zavod za javno zdravstvo Kantona Sarajevo;
 - b) Zavod za zdravstvenu zaštitu žena i materinstva Kantona Sarajevo;
 - c) „Apotheke Sarajevo“;
 - d) Zavod za bolesti ovisnosti Kantona Sarajevo;
 - e) Zavod za medicinu rada Kantona Sarajevo;
 - f) Zavod za zdravstvenu zaštitu zaposlenika Ministarstva unutrašnjih poslova Kantona Sarajevo;
 - g) Zavod za hitnu medicinsku pomoć Kantona Sarajevo;
 - h) Zavod za zaštitu zdravlja studenata Univerziteta u Sarajevu;
 - i) Klinički centar Univerziteta u Sarajevu;
 - j) Opća bolnica "Prim.dr. Abdulah Nakaš";
 - k) Psihijatrijska bolnica Kantona Sarajevo;
 - l) Zavod za sportsku medicinu Kantona Sarajevo;
6. Prijedlog odluke o davanju saglasnosti na Program rada sa finansijskim planom:
 - a) Javne ustanove Centar za kulturu Kantona Sarajevo za 2016. godinu;
 - b) Javne ustanove Muzej Sarajeva za 2016. godinu;
7. Prijedlog odluke o davanju saglasnosti Muzičkoj akademiji Univerziteta u Sarajevu za prodaju odnosno zamjenu stambene jedinice u vlasništvu Muzičke akademije;
8. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća za transport i distribuciju gasa “Sarajevo-gas” d.o.o. Sarajevo sa Zakonom o javnim preduzećima u Federaciji Bosne i Hercegovine;
9. Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta energetska efikasnost za BiH;
10. Prijedlog odluke o usvajanju Programa uređenja građevinskog zemljišta i realizacije kapitalnih investicija za 2016.godinu;
11. Prijedlog odluke o davanju saglasnosti za osnivanje privatne srednje škole naziva: Srednja škola za informacione tehnologije i savremena gimnazija, Sarajevo, Zmaja od Bosne bb;
12. Prijedlog odluke o davanju saglasnosti za osnivanje Visoke škole za računarske i informacione tehnologije;

13. Prijedlog odluke o davanju imena trgu na području Općine Centar, na lokalitetu MZ „Trg oslobođenja-Centar”;
14. Prijedlog odluke o davanju naziva novoizgrađenoj ulici, na lokalitetu „Skenderija-Podtekija” na području Općine Centar – MZ "Skenderija-Podtekija”;
15. Prijedlog odluke o izmjeni naziva dijela ulice, odnosno preimenovanju dijela ulice na području Općine Vogošća - MZ „Vogošća I“ ;
16. Izvještaji o radu i finansijskom poslovanju Javnih ustanova:
 - a) Sarajevska filharmonija za 2015. godinu;
 - b) Kamerni teatar ‘55 za 2015. godinu;
 - c) Muzej „Alija Izetbegović“ za 2015. godinu;
17. Izvještaj o radu Kantonalne uprave za inspeksijske poslove Kantona Sarajevo za 2015. godinu;
18. Izvještaj o radu sa finansijskim izvještajem Kantonalnog zavoda za pružanje besplatne pravne pomoći Kantona Sarajevo za 2015.godinu;
19. Izvještaj iz oblasti sporta za 2015. godinu;
20. Izvještaj o radu sa finansijskim izvještajem JU „Studentski centar“ Sarajevo za 2014. i 2015. godinu.

Predsjedateljica je navela da je zastupnicima dostavljen sljedeći informativni materijal:

- Informacija o ostvarivanju prava na osnovu nezaposlenosti u u Kantonu Sarajevo za 2015 godinu.
- Zatim informacija o stanju kriminaliteta javnog reda i mira i sigurnosti saobraćaja na području Kantona Sarajevo za mjesec April 2016 godine.
- Zatim izvještaj o izvršenim inspeksijskim pregledima upravnog inspektora u toku 2015 godine.

U 10,40 sati se prešlo na realizaciju prve tačke dnevnog reda.

AD – 1.

POSLANIČKA/ ZASTUPNIČKA PITANJA I INICIJATIVE

Predsjedateljica je pozvala zastupnike da podnesu svoja zastupnička pitanja i inicijative.

Zastupnik Goran Akšamija je uputio jedno zastupničko pitanje:

„Ja danas imam jedno zastupničko pitanje, odnosno zastupnička pitanja uvezemo u jednu cjelinu iz kojih će slijediti jedna inicijativa, a upućeno je ministarstvu zdravstva i vlade Kantona Sarajevo to se sastoji u sljedećem. Da li ministarstvo zdravstva Kantona Sarajevo i Vlada Kantona Sarajevo ima jasan stav i politiku o zasititi javnog sektora u zdravstvu kao i jasnu viziju očuvanja javnog sektora u zdravstvu koja će nam garantovati da se javni sektor u zdravstvu izgrađen na uvicima građana i osiguranika neće degradirati u odnosu na privatni sektor ? Ako takva vrsta stava i politike postoji molim da mi se i ona predoči? U koliko ne postoji također molim da mi se pismenim putem definiše ne postojanje takvog stava odnosno politike. Ovo ne znaci bilo kakav pritisak na postojeći pravni okvir koji izjednačava javni privatni sektor nego isključivo izraz zabrinutosti za stanje javnog sektora u zdravstvu čija degradacija može inicirati ozbiljnu ne jednakost u zdravlju. Nedostatak zajamčenih usluga iz davno usvojenog osnovnog paketa zdravstvenih prava značajno može siromašne građane ugroziti i diskriminirati u odnosu na one koji su u prilici zdravstvene usluge plaćati iz vlastitog džepa. Da li za Kanton Sarajevo postoji funkcionalna analiza primjene izuzetno ne

povoljnih standarda i normativa zdravstvene zaštite i nomenklatura usluga u Federaciji Bosne i Hercegovine objavljena je u Plavoj knjizi 2014 godina Službene novine Federacije BiH broj 82/14. I da li ministarstvo zdravstva Kantona Sarajevo povodom ovog namjerava održati stručne rasprave i zagovarati sto hitnije izmjene ovog dokumenta koji nas vraća 20 godina u nazad? Da li u ministarstvu Kantona Sarajevo postoje analitički dokumenti koji su dostupni svim zainteresiranim stranama, a to su naravno profesionalci u zdravstvu, staleška udruženja ,osiguranici, pacijenti, stručna i laička javnost koji cine dokumentacionu osnovu za najavljenju reformu zdravstva u Kantonu Sarajevo i ako postoje molim da mi se navedu i predoče. Da li postoji bilo koji analitički dokument koji bi mogao da nam da jasan uvid u stanje privatnog sektora u zdravstvu Kantonu Sarajevo? Kako i na koji način će se građani, pacijenti, osiguranici, profesionalci u zdravstvu moći informirati o zacrtanim ciljevima i njihovom izvršenju najavljene reforme zdravstva u Kantonu Sarajevo, odnosno na koji način će ovaj proces biti uključen za sve zainteresirane strane? Da li proces reforme zdravstva u Kantonu Sarajevo inicira i nesporne izmjene pravnog okvira Zakona o zdravstvenoj zaštiti, Službene novine Federacije BiH broj 46/10 i nedopustivo zastarjelog i gotovo neprimjenjivog zakona o zdravstvenom osiguranju Federacije Bosne i Hercegovine, Službene novine Federacije BiH 30/97 sa svojim dopunama 2002, 2008 i 2011 godine će brojni provedbenih propisa koji su u potpunosti kompromitirali sistem zdravstvene zaštite u Kantonu Sarajevo i u Federaciji Bosne i Hercegovine. Da budem precizniji dali je u ovakvom pravnom okviru uopće moguće napraviti efikasne i efektivne reformske smjernice. Shodno ovom pokrećem inicijativu za hitno donošenje novog zakona o zdravstvenoj zaštiti kao i novog zakona obavezno zdravstvenom osiguranju kao jednim od osnovnih preduvjeta za ulazak u reformu zdravstvenog sistema. „

Zastupnik Hamed Aljović je postavio jedno zastupničko pitanje i jednu inicijativu:

„Danas imam jedno pitanje i jedno inicijativu. Moje prvo pitanje upućeno prema Agenciji za državnu službu Federacije BiH. Molim Agenciju za državnu službu Federacije BiH da mi odgovori pod kojim kriterijima i na koji način se imenuje eksperti sa liste eksperata za učestvovanje kongresnim komisijama. Za izbor rukovodećih ostalih državnih službenika za nivo Kantona Sarajevo u periodu od 16. Januara 2015 godine do danas . Moja inicijativa upućena prema ministarstvu za boračka pitanja Kantona Sarajevo , pokrećem inicijativu da ministarstvo za ministarstvo za boračka pitanja Kantona Sarajevo izgradi šehidsku hajr česmu u naselju Zimne Žilici u Općina Trnovo u znak sjećanja na šehide iz proteklog odbrambeno oslobodilačkog rata“.

Zastupnik Avdibegović Neira je postavila jedno zastupničko pitanje i jednu inicijativu :

„Ja za danas imam jednu zastupničku inicijativu i jedno zastupničko pitanje upućujem inicijativu na zahtjev mještana naselja Svrake Donja Vogošća, Malešić Luka i Kadarići da na dionici auto ceste Vogošća –Ilijaš postave tako zvane bikarbone kako bi mještani bili pošteđeni buke sa auto ceste za koju tvrde da postaje sve izraženija. Posebno je problem izražen u ljetnim mjesecima kada se uprkos sa visokim temperaturama i vrućinama prozori na stambenim objektima zbog velike buke sa auto ceste doslovno moraju držati zatvoreni. Molim da se ova inicijativa proslijedi javnom preduzeća auto ceste Federaciji BiH učio je i nadležnosti ova problematika kako bi se u sto kraćem roku odgovorilo zahtjevom mještana navedenih naselja. Moje zastupničko pitanje je upućujem ministarstvu zdravstva Kantona Sarajevo vezano je za problem koji je evidentno i aktuelan upravo u ovom periodu po završetku školske godine radi se najme o situaciji sa kojom se susreću učenici sa stečenim obrazovanjem zdravstvenog usmjerenja. A to je pitanje kako i gdje obaviti pripravnički staž? U skladu sa Pravilnikom o pripravničkog stazu i stručnom ispitu zdravstvenih radnika zdravstveni radnici su obavezni nakon završenog obrazovanja obaviti pripravnički staž u trajanju od šest mjeseci. Upravo pripravnički staž je pred uslov za polaganje stručnog ispita

primjera radi po programu stažiranja medicinska sestra, tehničar dio specijalnog pripravnčkog staza od trajanju od tri mjeseca mora raditi u bolničkoj ustanovi. Na Kliničkom univerzitetu u Sarajevu od sredine Decembra prošle godine obustavljeno je stažiranje, a prema mojim saznanjima i Općoj bolnici Abdulah Nakaš još uvijek je na snazi odluka donesena prije 2 godine od strane tadašnjeg menadžmenta također o obustavi stažiranja. Ovim putem molim ministarstvo zdravstva da se očituje po navedenom problemu i jasno definiše ustvari na koji način ovi učenici mogu da obave pripravnčki staž sto im je zakonska obaveza i ujedno preduslov polaganja stručnog ispita“.

Zastupnik Nermin Bjelak uputio jednu zastupničku inicijativu:

„Imam jednu poslaničko inicijativu upućena je Ministarstvu privrede Kantona Sarajevo. Ovim putem želim da obratim po pitanju problema koji imaju ugostitelji, hotelijeri zbog ne registrovanih privrednih subjekata koji pružaju usluge smještaja u Kantonu Sarajevo. Turizam je trenutno najznačajnija privredna grana u Kantonu pa i samim ti neophodna da određene stvari dovede u red tako da i kanton i ugostitelj imaju koristi. Naime trenutno u Sarajevu ima preko 550 ne prijavljenih smještajnih kapaciteta privatnih kuća i stanova koji se reklamiraju kao apartmani na međunarodnim stranicama iznajmljivanja smještaja. Postoje ove smještajne jedinice nisu registrovane nadležne inspekcije nemaju pravnu moć da urade bilo staž po ovom pitanju. Niti jedan inspektor ne može bez sudskog navoda ući u privatni posjed izvršiti kontrolu . Pored toga selim navesti da vlasnici ovih smještajnih kapaciteta neplaćanju ništa državi, boravišnu taksu, turističko osiguranje , PDV porezi i itd. Samo u Nepodopštini Stari Grad ima preko 250 smještajnih kapaciteta koji su prijavljeni na internet stranici za izdavanje smještaja, a nemaju potrebnu dokumentaciju susjedne države Hrvatska i Crna Gora su ovaj problem riješili tako da su nadležna ministarstva poslala zahtjev menadžmentu tih stranica da ih ponude ne prijavljenih subjekata zato tražim da ministarstvo privrede Kantona Sarajevo pošalje dopis prema tim stanicama i zahtjev da se pooštremjere za registraciju privrednih subjekata i da se pošalje zahtjev istima da ponovo pošalju sudu dokumentaciju koji će dokazati postojanje ovih pravnih i materijalnih uslova za obavljanje ove djelatnosti. Veći broj tih stranica i ne traže odgovarajuću papirologiju to jest dokumentaciju zato im je cilj da ostvare sto veću materijalni dobitak. A time ima negativan uticaj na privredu Kantona Sarajevo . Bitno je napomenuti još i skrenuti pažnju prema svim ovima stranicama da ubuduće sve nove privredne subjekte koje budu htjeli registrovati moraju na neki način obavijestiti ministarstvo privrede da bi se utvrdilo da li taj privredni subjekat zadovoljava sve uslove za rad da ne bi u budućnosti opet imali isti problem“.

Zastupnik Mirza Čelik je podnio jednu zastupničku inicijativu:

„Ja imam jednu zastupničku inicijativu. I tražim od ministarstva kulture i sporta informaciju o stanju zakona o baštini Kantona Sarajevo obzirom da je navedeni zakon prošao kompletnu proceduru 2013 i da je 2014 završena javna rasprava potrebno je u vrsti istih zakon neku od navedenih sjednica a zakon je potreban iz razloga utvrđivanja zakonske regulative, historijske i kulturne baštine“.

Zastupnik Sabina Ćudić je postavila dva zastupnička pitanja:

„Imam dva pitanja. Jedno u vidu pitanja iz kojeg proizilazi inicijativa, a drugo je pitanje. Dakle prvo je pitanje za Ministarstvo saobraćaja, pa bih zamolila da mi danas usmeno ponude odgovor, ali i pismeno na osnovu inicijative koja proizilazi iz ovog pitanja, a to je da tražim pojašnjenje parking privilegija koje uživaju kolege zastupnici u Skupštini Kantona Sarajevo, odnosno interesuje me da li im te privilegije omogućavaju dovođenje u pitanje, odnosno ugrožavanje života i zdravlja građana Kantona Sarajevo. Naime, prema žalbama stanovnika, građana iz ulice Nedima Filipovića u Novom Sarajevu i fotografijama koje su dostavili, koje

nedvosmisleno dokazuju da je naš kolega Rasim Smajić brutalno prekršio pravila parkiranja, parkirajući ne samo na šinama, nego parkirajući na trotoaru i blokirajući izlaz iz parkinga ove zgrade, te na taj način ugrozio živote majki i djece koje su izlazile sa tog parkinga i već drugi put dešavaju se saobraćajne nesreće zbog zloupotrebe ove tzv. Privilegije, na šta na molbe gđinu Smajiću odgovorio je da ima apsolutno pravo i ukazujući na parking privilegiju kao zastupnika u Skupštini Kantona Sarajevo. Pa me interesuje i kao zastupnicu i kao članicu Komisije etičke da li je moguće pozvati na ukidanje ove privilegije našem kolegi i postavljam naravno inicijativu da se parking privilegija na osnovu pojašnjenja koje će nadam se danas doći, generalno ukine ta vrsta privilegije parkiranja bilo gdje, na bilo kojoj površini u Kantonu Sarajevo. To je što se tiče toga. Drugo je pitanje, i usmeno i pismeno bih željela odgovor od Ministarstva obrazovanja o statusu OŠ Saburina. Trenutno u toj OŠ upitno da li će osnovci dobiti svoja svjedočanstva s obzirom da je škola blokirana. Znamo da u svakom školskom odboru po važećem zakonu sjedi predstavnik ministarstva, odnosno predsjedava školskim odborima. U ovom slučaju se ministarstvo oglušilo na status ove škole a sjednica na kojoj je smijenjen direktor sa nje nema zapisnika i na taj način je ilegalna, zapravo ne možemo ući u trag dokumentaciji na osnovu čega je smijenjen direktor i u školskom odboru nema predstavnika lokalne zajednice, na šta lokalna zajednica ukazuje već jako dugo, na šta se ministarstvo kontinuirano oglušilo. Zato nas interesuje koji je status ove škole, ko je direktor ili direktorica ove škole, i koji je status djece ove škole. Također, nadovezujući na moje prvo pitanje, samo da dodam, postavila bih pitanje Ministarstvu saobraćaja zašto je Zakon o saobraćaju u mirovanju u ladici ovog Ministarstva od 2011 godine, već pet godina se dakle saobraćaj u mirovanju ne reguliše zakonom i da li će taj zakon regulisati i ove privilegije, potpuno nemoralne privilegije kolega zastupnika. Hvala.

Zastupnik Selma Filipović je postavila jedno zastupničko pitanje:

„Imam jedno poslaničko pitanje i to molim ministra za obrazovanje, nauku i mlade Kantona Sarajevo, prof.dr. Elvira Kazazovića da mi u što kraćem vremenskom roku u pisanoj formi odgovori na sljedeće pitanje: Da li član UO UNSA može istovremeno biti i član još dvije skupštine društava u preduzećima u kojima je osnivač KS?“

/neko od zastupnika je govorio bez mikrofona/

Predsjedateljica je tražila da se prekine snimanje i sjednica.

NASTAVAK NAKON PAUZE

Predsjedateljica:

„Evo prije nego što nastavimo rad sa 17. Sjednice SKS moram da obrazložim zašto smo imali pauzu. U pauzi smo imali Kologij. Kologij je razmatrao incident koji se desio u toku sjednice i donio Odluku da se u skladu sa članom 92. Poslovnika Skupštine zastupnik Rasim Smajić udalji sa današnje sjednice Skupštine. Naime moramo poštovati Etičko vijeće, etički kod, i u skladu sa tim donijeli smo ovu odluku. Gospodine Smajiću vi želite riječ i dajem vam riječ od 2 minute. Izvolite“.

Zastupnik Rasim Smajić:

„Zahvaljujem predsjedavajuća. Ja bih prije svega da se izvinem građanima, da se izvinem kolegama zastupnicima u Skupštini kao i svim prisutnim u ovoj Sali za moje impulsivno djelovanje prema kolegi Kojoviću. Naime o meni su iznesene gnusne laži koje su me dovele do ovako impulsivne reakcije. Ja se zaista izvinjavam i kolegi Kojoviću i kolegama u Skupštini, i Vladi i ministrima i svima se znači kompletno izvinjavam za nastali incident. Nisam imao loše namjere prema kolegi Kojoviću, kolegu Kojovića jako poštujem. Povukao

sam kolegu Kojovića za rever, međutim on je zapeo za stepenicu, pao je i to je to što je bilo. Ništa drugo. Znači toliko hvala. Ja sve u svemu nisam spreman nastaviti današnji rad, današnje sjednice zbog novonastale situacije zbog mog stanja u kojem se nalazim trenutno. Toliko hvala“.

Predsjedateljica potom pozvala da se nastavi sa zastupničkim pitanjima.

Zastupnik Bibija Kerla je postavila dva zastupnička pitanja:

„Ja za današnju skupštinu imam dva pitanja. Prvo pitanje se odnosi na Ministarstvo sporta i kulture. Želim da znam dokle se došlo sa sanacijom skakaonica na Malom Polju. Koliko je meni poznato, već je pokrenuta inicijativa Opštine Hadžići i izdvojena su određena sredstva, ali taj iznos nije dovoljan ni za plan, ni za program investicija a kamo li za obnovu uništenih skakaonica. Ja sam već u kontaktu sa inicijatorom ove obnove, gđinom novinarom, Nerminom Biseom i imamo određene ljude iz Austrije, Njemačke i Švicarske. Janez Zgodišnjik Slovenac koji je idejni tvorac skakaonica na Igmanu je pristao da bude pomoćnik u realizaciji ove ideje i kod njega se nalazi kompletna dokumentacija što se tiče obnove skakaonica i molim sve one koji mogu da pomognu kod rebalansa budžeta da se izdvoji određeni dio sredstava a mi ćemo početi ganjati sponzore što se tiče ove obnove skakaonica. Moje drugo pitanje se odnosi u vezi pružnih prelazak na dionici Ilijaš Sarajevo. Molim nadležne u Kantonu da upute dopis Željeznicama FBiH da podhitno obezbjediti pružne prelaze na relaciji Lješevo Sarajevo. Unazad nekoliko godina poginulo je pet ljudi i povrijeđen je veći broj samo iz razloga što na određenim mjestima nema ni signalizacije ni rampe. Glavni prelaz u Ilijaša je jedno takvo mjesto i ono je odnijelo do sada dva ljudska života. Molim odgovorne da ovo shvate kao jedan prioritetni zadatak i da to riješe u što je mogućem kraćem roku“.

Zastupnik Zvonko Marić je postavio dva zastupnička pitanja:

„Na žalost evo da preskočimo ovaj dio koji je nemili događaj. Iako sam mislio da postavim nekoliko pitanja, naravno u skladu sa Poslovnikom imam pravo na dva, pokušat ću da na neki način smekšam retoriku iako ovo zaslužuje svojevrstne osude, sve što ću pitati, a odnosi se na ministra privrede gđina Šabića. Uvažavajući sve okolnosti ja sam ukazivao na organizirani kriminal u Šumama, tražio sam odgovore i još uvijek ih nisam dobio, njegova služba ili on zakazali su očigledno i molio bih da u buduće poštuje poslovnik i da nam na vrijeme dostavljaju odgovore na postavljena pitanja jer inače usložnjava se situacija oko svega. Novi dokazi, događaji itd. Reći ću samo sljedeće: ovaj organizirani kriminal, da ne kažem brutalni se dešava dugi niz godina,. Evo ovdje preda mnom je dokumentacija, Odluka suda nadležnog o ljudima koji su svojedobno primljeni bez diploma. Te diplome izgledaju ovako, kao što imamo ovdje, dakle nema ocjena za ta svjedočanstva, čak ni opisnih. A u konačnici vrlo dobar je četiri a položili su za referenta šumara, navodno i uspjeli duplikat diplome da ovjere u općinama, evo to je tako prazan list. Vrlo dobar četiri, itd. I takvih ljudi ima i pokrenute su krivične prijave protiv njih. Ima ih u ovom samo jednom sudskom rješenju, odnosno presudi šest. I naravno sud je naložio da se poništi prijem tih ljudi bez diploma, čak ima i zavarivača, koji bi trebali da čuvaju šumsko bogatstvo, a onda se desi situacija da gđin ministar Šabić te iste ljude u ponovljenom postupku odobri evo i njegovim postupkom,. Dakle sve te iste ljude sa sudskog rješenja ponovo budu primljeni. Ja nema drugu riječ, osim činjenice, s obzirom da je uvezano i da ovo dugo traje, ovaj organizirani kriminal u Šumarstvu koji zaista u sunovrat vodi i ovu granu, ovu oblast ali bih molio da mi odgovori ministar Šabić jer neću da vjerujem, ja njega poznajem dugo da svojevrijedno i nesvjesno možda potpisuje ovakve stvari i samim tim je žirant ovakvih nedozvoljenih radnji ili pokrovitelj u neku reku ili čovjek koji odobrava ovakve stvari. Da ne izlazim ja sada, imao sam za obrazovanje i zdravstvo, ali ću nastaviti s obzirom da je ZOI u pitanju i nekako srodno ovome, privredi oko hotela Famos sam postavio

pitanje i nisam dobio odgovor kako je moguće da osoba koja rukovodi hotelom Famos, istovremeno ima menadžerski ugovor i radi u marketingu ZOI? Te radnje koje se dešavaju bojim se da su samo uvertira za ono što će odvesti ovaj hotel u sunovrat kao i mnogo toga. Jer primijetili ste uglavnom govorimo o propalim sistemima koji se sistemski uništavaju. Ne bih volio da se ovakve stvari dešavaju. Ako se ne zaustavi ovaj trend bojim se da na neki način saučestvujemo u svemu šta se dešava i mirno posmatramo ovakve stvari“.

Zastupnik Edin Forto je postavio dva zastupnička pitanja:

„Ja imam dva pitanja za ministricu zdravstva. Jedno pitanje se odnosi na Zavod za medicinu rada. Ovo pitanje možemo staviti u sličan onaj kontekst o onom jednom govoru koji sam ovdje jednom održao vezano za odnos naše vlasti prema našoj firmi Apoteke Sarajevo. Zavod za medicinu rada, kao što znamo jer danas imamo to i na dnevnom redu, je ustvari jedna javna ustanova, kantonalna ustanova, međutim postoje i privatne ustanove koje se bave istim poslom, u neku ruku su konkurencija našoj firmi. Moje pitanje za ministricu je sljedeće: Da li će nadolazeća reforma zdravstva, koju još nismo vidjeli napismeno, ali nadamo se da uskoro hoćemo, da li će ta reforma regulisati pitanje doktora specijalista medicine rada koji sada rade u privatnim firmama iz penzije? I na taj način prave nelojalnu konkurenciju našoj firmi Zavod za medicinu rada, gdje mora naravno neko biti u struci specijalista medicine rada. Mislim da je ovo vrlo bitno jer to pokazuje i naš odnos prema našim firmama a i vezano na ono što je gđin Akšamija pitao ranije naš odnos prema našim javnim zdravstvenim ustanovama, i onim što imamo u pravnom sektoru. Drugo pitanje je vezano za KCUS. Također za ministricu. Molim vas možete li nam pismeno dostaviti koji je status jedinice internističke intenzivne njege? Mi imamo, razne informacije su došle do nas, od toga da je ovaj odjel zatvoren do toga da su doktori koji tamo rade došli jedan dan i samo našli zaključana vrata. Pa mene samo zanima pošto u ovom izvještaju koji i danas za KC raspravljati u planu, stoji da ova jedinica postoji i da se planiraju specijalistu za ovu jedinicu a mi po našim informacijama znamo da to više nije tako. Ono što bih volio da nam ministrica odgovori koji je status ovog odjela, koji je status obučenog osoblja za ovaj odjel? Koji je status smještajnih kapaciteta ovog odjela? Bilo bi dobro da dobijemo to napismeno pa da razjasnimo da ne bi više govorili o nečemu što smo čuli, nego baš da vidim od ministrice koji je status. A samo bih napomenuo: ova je jedinica na KC jedna od najprestižniji sa najskupljom obukom za osoblje iz donacija Francuske Vlade“.

Zastupnik Mersiha Mehmedagić je ponovno aktuelizirala svoje pitanje sa 14. sjednice i uputila novu inicijativu:

„Napominjem da još uvijek nisam dobila konkretan odgovor na pitanje postavljeno na 13 i dopunjeno na 14. Sjednici vezano za zapošljavanje djece pripadnika boračkih kategorija koja po članu 23 Zakona o dopunskim pravima boraca imaju prednost pri zapošljavanju. Posebno nezadovoljstvo izražavam zbog činjenice da resorno Ministarstvo ne raspolaže podacima o broju nezaposlene djece šehida, poginulih boraca i RVI, kao djece najranjivije boračke kategorije. Ako imamo oko 160 raznih boračkih udruženja, devet općinskih službi BIZ i Ministarstvo za boračka pitanja nezamislivo mi je da iste ne zanima ovaj podatak ili da ga nisu uspjeli pribaviti. Stoga po treći put tražim odgovor na navedeno zastupničko pitanje sa informacijom o implementacijom programa pozajmica za otvaranja radnih mjesta za pomenute kategorije, po javnom pozivu za 2014 i 2015 godinu. I također pokrećem zastupničku inicijativu prema Vladi i resornom Ministarstvu gdje tražim od Vlade Kantona Sarajevo da poduzme sve potrebne aktivnosti kako bi u što kraćem roku imali sveobuhvatnu evidenciju lica tretiranih Zakonom o pravima branilaca i članova njihovih porodica i Zakonom o dopunskim pravima boraca branitelja BIH a koja se nalazi na evidenciji nezaposlenih Službe za zapošljavanje Kantona Sarajevo. Kako Vlada utvrđuje načine i uvjete za odobravanje pozajmica za otvaranje radnih mjesta iz člana 24 Zakona o pravima boraca branitelja BIH molim da se u javnom pozivu za 2016 godinu iznađe način da se sredstva

prioritetno usmjere na zapošljavanje nezaposlene djece navedenih kategorija po uzoru na program mjera zapošljavanja za 2016 godinu koji je ciljao određene kategorije kroz zasebne programe zapošljavanja što je izrazit napredak. Sljedeće obrazloženje: s obzirom na ugroženost ove kategorije mladih ljudi koji i pored činjenice da su djeca najzaslužnijih teško mogu ostvariti zakonsku prednost u zapošljavanju, potreban je odgovorniji pristup i hitna reakcija. Dok ovaj problem sistemski ne riješe, Vlada i resorno Ministarstvo trebaju iznaći način da se i ova populacija pozicionira kao ciljana kroz program mjera zapošljavanja. Kako je program mjera za tekuću godinu već u realizaciji do naredne godine konačnih podataka ove kategorije nezaposlenih mogu se iskoristiti sredstva planirana u budžetu za otvaranje pozajmica za otvaranje radnih mjesta za boračku populaciju koja za 2016 godinu iznose 500.000 KM“.

Zastupnik Semir Halilović je uputio dvije zastupničke inicijative:

„Ja imam dvije inicijative. Jedna je za Vladu Kantona Sarajevo. Dakle iniciram kod Vlade Kantona Sarajevo da donese neophodne odluke i pokrene procedure kako bi se u buduće isplate iz Budžeta Kantona Sarajevo kao što su porodijski dodaci, davanja socijalnim kategoriji i isplata svih vrsta za socijalno ugrožene kategorije dala prednost u odnosu na isplate plata za Vladu Kantona Sarajevo, Skupštinu Kantona Sarajevo i direktore JP. Naime, neskladno je i nepravedno da se iz budžeta Kantona Sarajevo već godinama prvo isplaćuju plate onima čije su plate najveće u Kantona Sarajevo a posljednjima onima čija su primanja najmanja. Stoga molim Vladu Kantona Sarajevo da pokrene određenu proceduru i izjasni se o ovoj inicijativi. To je jedna inicijativa.

Druga inicijativa, ovim putem također iniciram kod vlade Kantona Sarajevo, Ministarstva finansija i Ministarstva za boračka pitanja da preuzmu neophodne korake kako bi pronašli rješenje bilo da su izdvajanja iz budžeta, preusmjerenja, podizanje kredita i slično za izgradnju preostalih oko 300 stambenih jedinica za pripadnike boračkih populacija kojima je Kanton Sarajevo obećao rješavanje i dužan im je rješavanje stambenog pitanja. S obzirom da protekla već 21 godina od okončanja agresije na BIH a pripadnici boračke populacije nalaze se u teškom i materijalom i zdravstvenom stanju, te mnogi od njih nisu dočekali i neće dočekati ispunjenje ovog obećanja, iniciram kod vlade Kantona Sarajevo i nadležna dva Ministarstva da pokrenu ovu proceduru i iznađu rješenje kako bi se do kraja ovog mandatnog perioda iznašao način da se kroz kreditiranje ili neki drugi način riješe ova stambena pitanja. Također pozivam Vladu Kantona Sarajevo da preispita koliko posjeduje stanova u svom vlasništvu, koja druga Ministarstva, kao npr. sad socijalne politike ne koriste te u koliko je moguće izvrše određenu preraspodjelu“.

Predsjedateljica Ana Babić je postavila jedno zastupničko pitanje:

„Evo na kraju imam i ja jedno pitanje za MUP. A to je da mi se da davanje autentičnog tumačenja Zakona o policijskim službenicima Kantona Sarajevo. Pošto je pitanje dosta dugo, ja ga neću čitati nego ću u pismenoj formi predati i tražit ću pismeni odgovor od istog Ministarstva“.

Prešlo se na razradu druge tačke dnevnog reda.

AD -2.

**PRIJEDLOG ZAKONA O DOPUNI ZAKONA O IMOVINI KANTONA SARAJEVO
PO HITNOM POSTUKU**

Predsjedateljica je podsjetila da su zastupnici dobili materijale uz poziv za sjednicu. Zastupnik Kemal Ademović je podnio uvodno izlaganje kao Predlagač dopune Zakona.

U diskusiji su učestvovali zastupnici: Slaviša Šućur i Bibija Kerla, koja je predložila Skupštini da se izjasni o prijedlogu zaključka vezano za imovinu koju koriste sportska društva. Predsjedateljica je zamolila zastupnicu Kerla da prijedlog zaključka dostavi u pisanoj formi kako bi se o njemu mogli očitovati zastupnici.

Potom je predsjedateljica pozvala zastupnice da pristupe izjašnjavaњу.

SKUPŠTINA JE VEĆINOM GLASOVA (23 „ZA“) USVOJILA ZAKON O DOPUNI ZAKONA O IMOVINI KANTONA Sarajevo.

Prešlo se na razmatranje treće tačke:

AD – 3.

PRIJEDLOG ODULE O IZMJENAMA I DOPUNAMA ODLUKE O UTRVĐIVANJU JAVNOG PRIJEVOZA LICA SA ZAPREŽNIM VOZILIMA, FIJAKERIMA

Predsjedateljica je podsjetila da su zastupnici dobili materijale uz poziv za sjednicu. Ministar Mujo Fišo je podnio uvodno izlaganje.

Pitanje je postavio zastupnik Semir Halilović na što je odgovor dao ministar Mujo Fišo.

Kako je nije bilo diskusije, predsjedateljica je pozvala zastupnike da pristupe izjašnjavaњу.

SKUPŠTINA JE JEDNOGLASNO DONIJELA ODLUKU O IZMJENAMA I DOPUNAMA ODLUKE O UTRVĐIVANJU JAVNOG PRIJEVOZA LICA SA ZAPREŽNIM VOZILIMA, FIJAKERIMA.

Četvrta tačka dnevnog reda:

AD – 4.

PRIJEDLOG ODLUKE O DOPUNI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO

Zastupnici su Prijedlog odluke dobili uz poziv za sjednicu te su smatrali da nema potrebe za uvodnim izlaganjem.

Nadalje nije bilo prijavljenih za pitanja ili diskusiju, te je predsjedateljica pozvala prisutne na izjašnjavaње.

SKUPŠTINA JE SA 23 GLASA „ZA“ DONIJELA ODLUKU O O DOPUNI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO

Peta tačka dnevnog reda:

AD – 5.

PRIJEDLOG ODLUKE O DAVANJU SUGLASNOSTI NA PROGRAM RADA I FINANSIJSKI PLAN ZA 2016 GODINU JAVNE USTANOVE:

- a) Zavod za javno zdravstvo Kantona Sarajevo;
- b) Zavod za zdravstvenu zaštitu žena i materinstva Kantona Sarajevo;
- c) „Apoteke Sarajevo“;
- d) Zavod za bolesti ovisnosti Kantona Sarajevo;
- e) Zavod za medicinu rada Kantona Sarajevo;
- f) Zavod za zdravstvenu zaštitu zaposlenika Ministarstva unutrašnjih poslova Kantona Sarajevo;
- g) Zavod za hitnu medicinsku pomoć Kantona Sarajevo;
- h) Zavod za zaštitu zdravlja studenata Univerziteta u Sarajevu;
- i) Klinički centar Univerziteta u Sarajevu;
- j) Opća bolnica "Prim.dr. Abdulah Nakaš";
- k) Psihijatrijska bolnica Kantona Sarajevo;
- l) Zavod za sportsku medicinu Kantona Sarajevo;

Zastupnici su dobili Prijedloge odluka uz poziv za sjednicu. Predsjedateljica je predložila, a zastupnici podržali jednoglasno da se vodi jedinstvena diskusija o svim prijedlozima odluka, a izjašnjavanje pojedinačno.

Uvodno izlaganje je iznijela ministrica zdravstva Zilha Ademaj.

Pitanja su postavili zastupnici Semir Halilović i Sabina Ćudić, a ministrica Ademaj je odmah odgovorila.

U diskusiji su učestvovali zastupnici: Edin Forto i Goran Akšamija.

Nakon zaključivanja diskusije predsjedateljica je pozvala zastupnike na pojedinačno izjašnjavanje.

a)
SKUPŠTINA JE VEĆINOM GLASOVA (23 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA JAVNO ZDRAVSTVO KANTONA SARAJEVO

b)
SKUPŠTINA JE VEĆINOM GLASOVA (25 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO

c)
SKUPŠTINA JE VEĆINOM GLASOVA (24 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU APOTEKE SARAJEVO

d)

SKUPŠTINA JE VEĆINOM GLASOVA (24 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU ZAVOD ZA BOLESTI OVISNOSTI KANTONA

e)

SKUPŠTINA JE VEĆINOM GLASOVA (24 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU ZAVOD ZA MEDICINU RADA KANTONA SARAJEVO

f)

SKUPŠTINA JE VEĆINOM GLASOVA (25 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU ZAVOD ZA ZDRAVSTVENU ZAŠTITU ZAPOSLENIKA MUP-a.

g)

SKUPŠTINA JE VEĆINOM GLASOVA (25 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU ZAVOD ZA HITNU MEDICINSKU POMOĆ Kantona Sarajevo

h)

SKUPŠTINA JE VEĆINOM GLASOVA (25 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU ZAVOD ZA ZAŠTITU ZDRAVLJA STUDENATA UNSA

i)

SKUPŠTINA JE VEĆINOM GLASOVA (23 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU KLINIČKI CENTAR UNIVERZITETA U SARAJEVU

j)

SKUPŠTINA JE VEĆINOM GLASOVA (23 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU OPĆE BOLNICE „PRIMARIJUS DR ABDULAH NAKAŠ“

k)

SKUPŠTINA JE VEĆINOM GLASOVA (24 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU PSIHIJATRIJSKA BOLNICA Kantona Sarajevo

l)

SKUPŠTINA JE VEĆINOM GLASOVA (25 „ZA“) DONIJELA ODLUKU O DAVANJU SAGLASNOSTI NA PROGRAM RADA I FINANSIJSKI PLAN ZA 2016 JU ZAVOD ZA SPORTSKU MEDICINU Kantona Sarajevo.

Šesta tačka dnevnog reda:

AD – 6.

PRIJEDLOG ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM:

- a) Javne ustanove Centar za kulturu Kantona Sarajevo za 2016. godinu;
- b) Javne ustanove Muzej Sarajeva za 2016. godinu;

Predsjedateljica je predložila, a zastupnici jednoglasno podržali da se provede zajednička diskusija a izjašnjavanje pojedinačno za svaku javnu ustanovu.

Nije bilo prijavljenih za pitanja niti diskusiju, te je predsjedateljica pozvala na izjašnjavanje.

a)
SKUPŠTINA JE JEDNOGLASNO (26 „ZA“) DONIJELA ODLUKU O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE CENTAR ZA KULTURU KANTONA SARAJEVO ZA 2016. GODINU

b)
SKUPŠTINA JE JEDNOGLASNO (26 „ZA“) DONIJELA ODLUKU O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE MUZEJ SARAJEVA ZA 2016. GODINU

Sedma tačka dnevnog reda:

AD – 7.

PRIJEDLOG ODLUKE O DAVANJU SAGLASNOSTI MUZIČKOJ AKADEMIJI UNIVERZITETA U SARAJEVU ZA PRODAJU ODNOSNO ZAMJENU STAMBENE JEDINICE U VLASNIŠTVU MUZIČKE AKADEMIJE

Obzirom da nije bilo prijavljenih za pitanja ili diskusiju, predsjedateljica je pozvala zastupnike na izjašnjavanje.

SKUPŠTINA JE DONIJELA VEĆINOM GLASOVA (20 „ZA“) ODLUKU O DAVANJU SAGLASNOSTI MUZIČKOJ AKADEMIJI UNIVERZITETA U SARAJEVU ZA PRODAJU ODNOSNO ZAMJENU STAMBENE JEDINICE U VLASNIŠTVU MUZIČKE AKADEMIJE

Tačka osam:

AD – 8.

PRIJEDLOG ODLUKE O IZMJENI ODLUKE O USKLADIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA “SARAJEVO-GAS” D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Zastupnici su smatrali da nema potrebe za uvodnim izlaganjem, a nije bilo postavljanja pitanja niti diskusije, te je predsjedateljica pozvala prisutne na izjašnjavaње.

SKUPŠTINA JE VEĆINOM GLASOVA (24 „ZA“) DONIJELA ODLUKU O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA “SARAJEVO-GAS” D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE.

Deveta tačka:

AD – 9.

PRIJEDLOG ODLUKE O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ (IDA) ZA REALIZACIJU PROJEKTA ENERGETSKA EFIKASNOST ZA BIH

Prema mišljenju zastupnika nije bilo potrebe za uvodnim izlaganjem, te je predsjedateljica je pozvala prisutne na izjašnjavaње.

SKUPŠTINA JE JEDNOGLASNO (26 „ZA“) DONIJELA ODLUKU O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ (IDA) ZA REALIZACIJU PROJEKTA ENERGETSKA EFIKASNOST ZA BIH

Deseta tačka dnevnog reda:

AD – 10.

PRIJEDLOG ODLUKE O USVAJANJU PROGRAMA UREĐENJA GRAĐEVINSKOG ZEMLJIŠTA I REALIZACIJE KAPITALNIH INVESTICIJA ZA 2016.GODINU

Prema mišljenju zastupnika nije bilo potrebe za uvodnim izlaganjem, te je predsjedateljica je pozvala prisutne na izjašnjavaње.

SKUPŠTINA JE VEĆINOM GLASOVA (21 „ZA“) DONIJELA ODLUKU O USVAJANJU PROGRAMA UREĐENJA GRAĐEVINSKOG ZEMLJIŠTA I REALIZACIJE KAPITALNIH INVESTICIJA ZA 2016.GODINU

Potom se prešlo na razradu 11. tačke dnevnog reda:

AD-11.

PRIJEDLOG ODLUKE O DAVANJU SAGLASNOSTI ZA OSNIVANJE PRIVATNE SREDNJE ŠKOLE NAZIVA: SREDNJA ŠKOLA ZA INFORMACIONE TEHNOLOGIJE I SAVREMENA GIMNAZIJA, SARAJEVO, ZMAJA OD BOSNE BB USLOVIMA

Zastupnici su Prijedlog odluke dobili u dopunskom materijalu.
Uvodno izlaganje je podnio ministar Elvir Kazazović.
U diskusiji su učestvovao zastupnik Goran Akšamija.

Predsjedateljica je pozvala prisutne na izjašnjanje.

SKUPŠTINA NIJE DONIJELA ODLUKU (3 „ZA“) O DAVANJU SAGLASNOSTI ZA OSNIVANJE PRIVATNE SREDNJE ŠKOLE NAZIVA: SREDNJA ŠKOLA ZA INFORMACIONE TEHNOLOGIJE I SAVREMENA GIMNAZIJA, SARAJEVO, ZMAJA OD BOSNE BB

Dvanaesta tačka dnevnog reda:

AD - 12.

PRIJEDLOG ODLUKE O DAVANJU SAGLASNOSTI ZA OSNIVANJE VISOKE ŠKOLE ZA RAČUNARSKE I INFORMACIONE TEHNOLOGIJE

Predsjedateljica je konstatovala da su zastupnici materijal dobili u dopunskom materijalu.
Zastupnici su smatrali da nije potrebno uvodno izlaganje, a u diskusiji su učestvovali zastupnici: Edin Forto, Goran Akšamija, Slaviša Šućur, te premijer Vlade Kantona Sarajevo Elmedin Konaković.

SKUPŠTINA NIJE (4 „ZA“) DONIJELA ODLUKU O DAVANJU SAGLASNOSTI ZA OSNIVANJE VISOKE ŠKOLE ZA RAČUNARSKE I INFORMACIONE TEHNOLOGIJE.

Trinaesta tačka dnevnog reda:

AD – 13.

PRIJEDLOG ODLUKE O DAVANJU IMENA TRGU NA PODRUČJU OPĆINE CENTAR, NA LOKALITETU MZ „TRG OSLOBOĐENJA-CENTAR“

Nije bilo prijavljenih zastupnika za pitanja ili diskusiju, te je predsjedateljica pozvala na izjašnjanje.

SKUPŠTINA JE VEĆINOM GLASOVA (25 „ZA“) DONIJELA ODLUKU O DAVANJU IMENA TRGU NA PODRUČJU OPĆINE CENTAR, NA LOKALITETU MZ „TRG OSLOBOĐENJA SARAJEVO-CENTAR“

Četrnaesta tačka dnevnog reda:

AD – 14.

PRIJEDLOG ODLUKE O DAVANJU NAZIVA NOVOIZGRAĐENOJ ULICI, NA LOKALITETU „SKENDERIJA-PODTEKIJA” NA PODRUČJU OPĆINE CENTAR – MZ "SKENDERIJA-PODTEKIJA”

Nije bilo prijavljenih zastupnika za pitanja ili diskusiju, te je predsjedateljica pozvala na izjašnjavaње.

SKUPŠTINA JE VEĆINOM GLASOVA (25 „ZA“) DONIJELA ODLUKU O NAZIVA NOVOIZGRAĐENOJ ULICI, NA LOKALITETU „SKENDERIJA-PODTEKIJA” NA PODRUČJU OPĆINE CENTAR – MZ "SKENDERIJA-PODTEKIJA”

Petnaesta tačka:

AD – 15.

PRIJEDLOG ODLUKE O IZMJENI NAZIVA DIJELA ULICE, ODNOSNO PREIMENOVANJU DIJELA ULICE NA PODRUČJU OPĆINE VOGOŠĆA - MZ „VOGOŠĆA I“

Predsjedateljica je napomenula da su zastupnici izvještaj dobili u dopunskom materijalu. Po mišljenju zastupnika nije bilo potrebe za uvodnim izlaganjem, niti je bilo postavljenih pitanja niti diskusije, te predsjedateljica pozvala na izjašnjavaње.

SKUPŠTINA JE VEĆINOM GLASOVA (22 „ZA“) DONIJELA ODLUKU O IZMJENI NAZIVA DIJELA ULICE, ODNOSNO PREIMENOVANJU DIJELA ULICE NA PODRUČJU OPĆINE VOGOŠĆA - MZ „VOGOŠĆA I“

Šesnaesta tačka dnevnog reda:

AD – 16.

- a) **IZVJEŠTAJ O RADU I FINANSIJSKOM POSLOVANJU JAVNE USTANOVE SARAJEVSKA FILHARMONIJA ZA 2015. GODINU**
- b) **IZVJEŠTAJ O RADU I FINANSIJSKOM POSLOVANJU JAVNE USTANOVE KAMERNI TEATAR ‘55 ZA 2015. GODINU**
- c) **IZVJEŠTAJ O RADU I FINANSIJSKOM POSLOVANJU JAVNE USTANOVE MUZEJ „ALIJA IZETBEGOVIĆ“ ZA 2015. GODINU**

Predsjedateljica je predložila a zastupnici većinom glasova (25 „ZA“) prihvatili da se provede jedinstvena diskusija a izjašnjavaње pojedinačno.

Po mišljenju zastupnika nije bilo potrebe za uvodnim izlaganjem. Kako nije bilo prijavljenih za diskusiju ili pitanja, predsjedateljica je pozvala zastupnike na pojedinačno izjašnjavaње.

a)

SKUPŠTINA NIJE (3 „ZA“) USVOJILA IZVJEŠTAJ O RADU RADU I FINANSIJSKOM POSLOVANJU JAVNE USTANOVE SARAJEVSKA FILHARMONIJA ZA 2015. GODINU

b)

SKUPŠTINA NIJE (17 „ZA“) USVOJILA IZVJEŠTAJ O RADU RADU I FINANSIJSKOM POSLOVANJU JAVNE USTANOVE KAMERNI TEATAR ‘55 ZA 2015. GODINU

(provedeno je pojedinačno izjašnjavaње)

c)

SKUPŠTINA JE VEĆINOM GLASOVA (20 „ZA“) USVOJILA IZVJEŠTAJ O RADU RADU I FINANSIJSKOM POSLOVANJU JAVNE USTANOVE USTANOVE MUZEJ „ALIJA IZETBEGOVIĆ“ ZA 2015. GODINU

Sedamnaesta tačka dnevnog reda:

AD – 17.

IZVJEŠTAJ O RADU KANTONALNE UPRAVE ZA INSPEKCIJSKE POSLOVE KANTONA SARAJEVO ZA 2015. GODINU

Zastupnici su konstatovali da nije potrebno uvodno izlaganje, niti je bilo prijavljenih zastupnika za pitanja ili diskusiju.

Predsjedateljica je pozvala zastupnike da se izjasne.

SKUPŠTINA JE VEĆINOM GLASOVA (22 „ZA“) USVOJILA IZVJEŠTAJ O RADU KANTONALNE UPRAVE ZA INSPEKCIJSKE POSLOVE KANTONA SARAJEVO ZA 2015. GODINU.

Osamnaesta tačka dnevnog reda:

AD – 18.

IZVJEŠTAJ O RADU SA FINANSIJSKIM IZVJEŠTAJEM KANTONALNOG ZAVODA ZA PRUŽANJE BESPLATNE PRAVNE POMOĆI KANTONA SARAJEVO ZA 2015.GODINU

Zastupnici su konstatovali da nije potrebno uvodno izlaganje, niti je bilo prijavljenih zastupnika za pitanja ili diskusiju.

Predsjedateljica je pozvala zastupnike na izjašnjanje.

SKUPŠTINA JE VEĆINOM GLASOVA (20 „ZA“) USVOJILA IZVJEŠTAJ O RADU SA FINANSIJSKIM IZVJEŠTAJEM KANTONALNOG ZAVODA ZA PRUŽANJE BESPLATNE PRAVNE POMOĆI KANTONA SARAJEVO ZA 2015.GODINU

Devetnaesta tačka dnevnog reda:

AD – 19.

IZVJEŠTAJ IZ OBLASTI SPORTA ZA 2015. GODINU

Zastupnici su konstatovali da im nije potrebno uvodno izlaganje, niti je bilo prijavljenih zastupnika za pitanja ili diskusiju.

Predsjedateljica je pozvala zastupnike na izjašnjanje.

SKUPŠTINA JE VEĆINOM GLASOVA (20 „ZA“) USVOJILA IZVJEŠTAJ IZ OBLASTI SPORTA ZA 2015. GODINU.

Prije prelaska na realizaciju 20. tačke dnevnog reda predsjedateljica je pozvala zastupnike da se izjasne o Prijedlogu zaključka zastupnice Bibije Kerle.

SKUPŠTINA JE VEĆINOM GLASOVA (20 „ZA“) USVOJILA ZAKLJUČAK:

„Skupština Kantona Sarajevo obavezuje Vladu Kantona Sarajevo i resorno Ministarstva da omogućе trajno korištenje nekretnina isključivo prema njihovoj namjeni subjektima iz oblasti obrazovanja, kulture, sporta, rekreacije i sportistima a koje budu upisane u vlasništvo Kantona Sarajevo prema odredbama Zakona o dopuni zakona o imovini Kantona Sarajevo po njegovom stupanju na snagu. Nekretnine iz tačke 1. ovog zaključka ne mogu biti predmet privatizacije ni otuđenja“.

Dvadeseta tačka dnevnog reda:

AD – 20.

IZVJEŠTAJ O RADU SA FINANSIJSKIM IZVJEŠTAJEM JU "STUDENTSKI CENTAR" SARAJEVO ZA 2014. I 2015.GODINU

Ministar Elvir Kazazović je podnio uvodno izlaganje. Pitanje je postavio zastupnik Edin Forto na što je ministar dao odgovor.

Potom se Skupštini obratio direktor JU Studentski centar Emir Kadrić.

U diskusiji je učestvovala zastupnica Neira Avdibegović.

SKUPŠTINA NIJE USVOJILA IZVJEŠTAJ (0 „ZA“) O RADU SA FINANSIJSKIM IZVJEŠTAJEM JU "STUDENTSKI CENTAR" SARAJEVO ZA 2014. I 2015.GODINU.

Predsjedateljica je zaključila sjednicu u 14,30 sati.

Zapisnik izradila:

Lejla Kadrić

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić